

11 AUG 2000

LEE KUAN YEW ADAKAN LAWATAN KERJA EMPAT HARI KE MALAYSIA

KUALA LUMPUR, 11 Ogos (Bernama) -- Menteri Kanan Singapura Lee Kuan Yew akan melakukan lawatan kerja selama empat hari ke Malaysia bermula Isnin ini.

Menurut kenyataan Wisma Putra, lawatan yang dijadualkan bermula 14 hingga 17 Ogos ini merupakan lawatan kerja pertama bagi Lee sejak meletakkan jawatan sebagai Perdana Menteri Singapura pada tahun 1990.

Semasa di sini, Lee akan melakukan kunjungan hormat ke atas Perdana Menteri Datuk Seri Dr Mahathir Mohamad dan Timbalan Perdana Menteri Datuk Seri Abdullah Ahmad Badawi.

Lee, yang akan diiringi isteri, Kwa Geok Choo dan 10 pegawai, akan turut melawat Menara Berkembar Petronas, Lapangan Terbang Antarabangsa Kuala Lumpur (KLIA) dan juga pusat pentadbiran kerajaan persekutuan, Putrajaya.

Selain meninjau perkembangan dan pembangunan pesat Malaysia sepanjang tempoh 10 tahun lalu, lawatan kerja itu juga bertujuan untuk mempertingkatkan hubungan dua hala antara Malaysia dan Singapura.

-- BERNAMA

NHA AHH RHM